

## Pular - Moyyi-Boni Mijo Windii - Good-Bad Mind Scriptures

### Moyyi Mijo Windii - Good Mind Scriptures

Markuusa 5:15 Bay be arii e lisaa, be yi'ii on mo konu jinna wonnoo e mun no joodii bornii, wondi e hakkille timmude, be huli.

Luuka 8:35 Onsay yimbe ben ari yi'ugol kon ko wadi. Be ari e lisaa, be tawi on neddo mo jinnaaji din yalti e mun no joodii ka ley koyde lisaa, himo bornii, himo wondi e hakkille timmude, be huli.

Kuude Sahaabaabe 17:11 Tawi berde ben den no buri be Tesalonii ben udditaade. Be jabiri daaluyee on hejaare tiidunde e hoore hibe taskotonoo nande woo bindi din fii andugol ko be wi'aa kon si ko non woniri.

Kuude Sahaabaabe 20:19 E hoore dun mi kurkanike Joomiraado on, e hoore yankinaare fow, e nder gondi, e hakkunde ndarndeede wonandun lan janfaajji immorde e Yahuudiyanke'en.

Roomu 7:25 Ko yettude Yehowa, immorde e lisaa Almasiihu Joomi men on! Ko dun wadi, si ka bernde an ko mi maccudo Sariya Yehowa on, fii kala ka bandu an ko mi maccudo sariya junuubu on.

Roomu 8:6 Jokkugol mbeleede bandu ko mayde, jokkugol non faaleeji Ruuhu Yehowaahu on ko ngurndan e buttu.

Roomu 8:27 Ko fii Lijoowo berde on no andi ko hondun woni mijo Ruuhu mun on, bay ko e yidi Yehowa, on Ruuhu fattoranta gomdinbe ben.

Roomu 11:34 Ko fii ko hombo andi mijo Joomiraado on, maa ko hombo woni waajotoodo mo on,

Roomu 12:2 Wota on nembu aduna fewndiido on, kono wonee waylaabe, be hakkillaaji mun heydintinaa, fii no andiron ko hondun woni faale Yehowa on: dun ko ko moyyi kon e ko welata mo kon e ko timmi kon.

Roomu 12:16 Mijjondiranee mijo wooto, wota on mawnintino, kono jabon jippinde hoore mon. Wota on wadu hoore mon faamube.

Roomu 14:5 Wobbe no wi'i wonde palaade den no burdi, wobbe ben no jogitii de fow hide fota. Awa yo mo kala hoolor ko mijiji kon.

Roomu 15:6 fii no mawniniron Yehowa, on Ben lisaa Almasiihu Joomi men on, e nder nanondiral e kongol gootol.

1 Korenti 1:10 Mi wakkilinii on, yo musibbe, e innde lisaa Almasiihu Joomi men on, on fow jogee kongol gootol fii wota sendondiral wonu hakkunde mon, e maanaa fedde-fedde, kono wonee e nder nanondiral tiidungal e nder mijo wooto e hakkille goote.

1 Korenti 2:16 E hoore dun: «Ko hombo andi mijo Joomiraado on fii jannugol

mo?» E hin-le enen ko mijo Almasiihu on jogidén.

2 Korenti 7:7 Wonaa non ardu makko ndun tun o wakkiliniri men, kono kadi, ko wakkilaare nde wakkilindon mo nden. O sifanike men faale mon tiidudo on e gondi mon din e cataare mon nden fii an. Dun wadi haa weltaare an nden burti tiidude.

2 Korenti 8:12 Si en okkirii anniye moyyo, haray dun ko ko jabeteet tippude e ko marden kon, hara hinaa e ko en maraa kon. (1 Kruunika 28:9)

2 Korenti 9:2 Awa mido andi anniye mon moyyo on fii wallugol, ko fii dun mi woni mantorde on e yeeso be Masedonii ben, mi wi'a wonde, gila rowani bee ka diwal Akaaya no hebulii wallugol. Awa kadi cataare mon nden wakkilinii yimbe buy okkugol.

2 Korenti 13:11 Fii rawnagol, yo musibbe, wonee e nder weltaare, ebbanee wonugol timmube, wakkilindiron, hebon mijo wooto, wondiron buttu. Dun, Yehowa Jom giggol e buttu on wonday e mon.

Efeesi 4:23 accon ruuhuji mon din e hakkilaaji mon din heydintinee, Filipii 2:2-5 timminiree weltaare an nden hebugol mijo wooto, e nder giggol gootol e fondo wooto e anniye gooto. 3 Wota on warru huunde haasidi maa manti mehi, kono e nder yankinaare jogoron heddiibe ben wa burbe on. 4 Doo e yo mo kala e mon wattan yiila e fii ko nafata dun kon, wattanee yiila e ko nafata beya kon kadi. 5 Wadon e mon mijo wonnoongo e lisaa Almasiihu on ngon:

Filipii 4:2 Mi torike Afuudiyata e Sinitiki, mi jeeji, yo be wadu sabu Joomiraado on be nantondira.

Filipii 4:7 Dun, buttu ngu Yehowa yedata, feyfitungu kala faamu ngun, hiway berde mon den e mijooji mon din e nder humondiral mon e lisaa Almasiihu on. (Isaaya 26:3)

Koloosi 3:12 Bay ko on subaabe Yehowa, laabube, e yidaabe makko, bornee yurmeende tiidunde e moyfuki e yankinaare e newaare e yondinaare.

2 Tesalonii 2:2 wota on jabu berde mon yaawee jiibeede, maa aaniniredon wi'ugol nalaande Joomi on hewtii. Hay si goddo wi'ii on ko Yehowa longini men maa ko nelal maa ko batakuru ko iwri e amen, wota on hulu.

2 Timotee 1:7 Ko fii ruuhu mo Yehowa yedi en on wonaa wadoowo en hulube, kono ko ruuhu okkoovo en doole e giggol e waawugol hoore mun.

Tiituusa 2:6 Yamiraa kadi sukaabe worbe ben nawrugol ngurndan mabbe dan e nder faamu.

Yahuudiyankeebi 8:10 E hino non ahadi ndi mi ahodoya e yimbe Isra'iila ben bawto dee nalaade doo.» «Joomiraado on daali: «Mi wadoyay sariyaaji an din ka mijo mabbe, mi winda di ka berde mabbe, min mi wona Yehowa mabbe, kambe kadi be wona jamaa an.

1 Petruusu 1:13 Ko dun si mi wi'ay on, hebulinee hakkillaaji mon din, waawon

hoore mon, wadon tama'u mon on fow e oo sulfu mo yedoytedon jnande lisaa Almasiihu on feenitoyi.

- 1 Petruusu 5:2 Mi wakkilinii on aynugol wuro ngo Yehowa halfini on ngon, hara hinaa e hoore karheede, kono hara ko no Yehowa yidiri non e hoore bernde laabunde, hara on wadiraali dun miile, kono hara ko e anniye moyfo.
- 2 Petruusu 3:1 Awa e hino batakuru dimmuru ndu mi windani on ndun, yo yibbe. E nder majji di didii non, mi windiranii on di fii andintingol on, walla on hebon miijooji laabudi,

Yaaquuba 1:17 kala dokkal moyfal e kala dokkal timmungal ko ka dow iwrani en, e immorde e Baabaajo ndayguuji din, on mo waylotaako, mo dowdi mun dillataa, (Ayyuba 23:13)

Fenninanne 17:9 «Doo non, maa hakkil wonduki e faamu: Ko'e den jeedidi ko pelle jeedidi de debbo on joodii e hoore mun den. Ko de lambe ben njeedido kadi:

### Boni Mijo Windii - Bad Mind Scriptures

Markuusa 7:21 ko fii, ko e nder bernde neddo miijooji bondi yaltata, kajun e cagayaagal e nguyka e waru-hoore e (Hazik'iila 38:10)

Luuka 12:29 Onon non wota on yango fii ko jaamon maa ko yaron, wota fii dun maapin on.

Kuude Sahaabaabe 12:20 Tawi kanko Herodu himo habidi e Tiiriyankoobe ben e Siduunayankoobe ben. Be ari be tawi mo e nder nanondiral mabbe. Bay be hettii Balastuusa oo dankotoodo kaybonru lando on, be torii buttu, sabu tawde ko leydi on lando tambitinoo leydi mabbe ndin.

Kuude Sahaabaabe 14:2 Kono Yahuudiyankeebi be gomdinaali dun ben yuuni be wonaa Yahuudiyanke ben fii yo ben wadu gomdinbe ben bone.

Roomu 1:28 Bay be sikkii moyfaa ka be anda Yehowa, Yehowa accidi be e ngun faamu boyliingu, fii wadugol piiji di haanaa.

Roomu 8:6,7 Jokkugol mbeleede bandu ko mayde, jokkugol non faaleeji Ruuhu Yehowaahu on ko ngurndan e buttu. 7 Ko fii mbeleede bandu no api Yehowa, bay bandu ndun yankinantaako Sariya Yehowa on, ko bay non ndu waawataa!

Roomu 11:20 Andaa fota wonde ko di tayraa ko angal gomdinal majji on. An, a sinjorii don sabu gomdinal maa ngal. Awa wota a mawnintino, kono hulu.

2 Korenti 10:5 e kala mawnintinaare hawtotoonde dartoo gandal fii Yehowa ngal, e men dahay kala mijo haa ngo doftoo Almasiihu on.

2 Korenti 11:3 Kono mido huli fota wota on accu mijooji mon din selnee e humondiral mon laabungal e haqiqawal ngal e telen-ma Almasiihu on, wano Hawaa acciri mboddi ndin dayniri mo yoyre mun non.

Efeesi 2:3 En fow kadi hidēn tawdanoo e mabbe, hari hidēn jokkunoo himmeeji bandu, hidēn jokkunoo faaleeji bandu men ndun e mijooji men din, hari ko en mbaadi faybe handunoobe e tikkere wa beya.

Efeesi 4:17 Awa e hino ko mi wi'ata on, mi andina on e innde Joomiraado on: On haanaa wuuirde han kadi wa be gomdinaa ben, ben jokkube mijooji mun mehi.

Koloosi 1:21 Onon kadi, bee wodditinoobe Yehowa e aybe makko sabu mijooji mon din e kuude mon bonde den, (Misal 21:27; Hazik'iila 23:17)

Koloosi 2:18 Wota on jabu ben yimbe yidube yankinorde tampingol bandu ndun e rewugol malaa'ika hippoo on mbuunaari mon ndin. Sifa ben yimbe ko hoolorbe koydi mun. Hibe hebbinora mawnintinaare nde alaa nafa, immorde e mijooji neddanke,

1 Tesalonii 5:14 Men yamirii on, yo musibbe, hajee puybe ben, wakkilinon aamitube ben, wallitodon lo'ube ben, wonon munjiibe e fee wondo woo.

2 Tesalonii 2:2 wota on jabu berde mon yaawee jiibeede, maa aaniniredon wi'ugol jalaande Joomi on hewtii. Hay si goddo wi'ii on ko Yehowa longini men maa ko nelal maa ko batakuru ko iwri e amen, wota on hulu.

1 Timotee 6:5 e yeddondire de lannataa hakkunde yimbe be hakkille bonde, be andaa goonga, jogorbe dewal ngal wa bundu kebal.

2 Timotee 3:8 Ko wano Janeesi e Jambereesi dartornoo Muusaa non, ko wano non ben yimbe kadi dartorta goonga on. Ben ko yimbe be hakkille mun bonnaa, be gomdinal mun wonaa haqiqawal.

Tiituusa 1:15 Laabube ben kan, ko woni woo no laabani dun, kono yimbe tuunube be gomdinaa ben, hay huunde laabanaa dun, ko fii hakkillaaji mabbe din e berde mabbe den no tuuninaa.

Yahuudiyankeebi 12:3 Mijitee fii on ḥajjiido ndee liddannde nde junuubanke'en liddii mo, fii wota ronkere hebu on haa berde mon maaya.

Yaaquuba 1:8 on ko neddo sikkitiido, mo tabitaa e laawi mun din fow.